

یوہ آکاشوانی جموں ہے عبدالرحمان تین خبر سُنو۔

LG RAIPUR

لیفٹیننٹ گورنر منوج سنہا نے کہیو ہے جے بھارت تحقیق تے اختراع غا ایک نواں انقلاب غو مشاہدو کر رہیو ہے تے یوہ ایک عالمی رہنما غا طورور اُبھر رہیو ہے جہیڑو تکنیکی ترقی غی اگلی لہر تا تقویت دے رہیو ہے ٹیکنالوجی بارے قومی ادارہ یعنی این ائی ٹی رائے پور غی 16 ویں کنووکیشن مانہ بطور مہمان خصوصی خطاب کرتا واں اُنہاں نے کہیو جے عالمی للکار تجارتی مسائل تے تنادات غے باوجود بھارت دنیا غی معشیت مانہ سب تین روشن مقام ور ہے۔

BY POLLS ARRANGEMENTS

نگروٹہ تے بڈگام اسمبلی حلقاں گا ضمنی انتخابات واسطے تمام انتظامات مکمل کرلیا گیا ہیں جت پلک ووٹ کھلیا جیں گا ان اہم انتخابات واسطے انتخابی مہم اتوار غی شام اختتام پزیر ہوئی ہے جد نگروٹی مانہ 10 تے بڈگام مانہ 17 امیدواراں نے ووٹراں تین اپنی آخری اپیل کیں عہدیداراں غی طرفوں بھارتیہ ناگرک سرکشا سپہتا غی دفعہ 163 غے تحت پابندی عائد کردتی ہیں جہڑی ووٹ کھلن تین 48 گھنٹہ پہلاں خاموشی غی مدت سنگ مطابق رکھیں عہدیداراں نے کہیو ہے جے ان اقدامات غو مقصد منصفانہ آزادانہ تے پُرامن چناؤ نانہ یقینی بنانو ہے تے نال ہی عوامی نظم و ضبط تے ضابطہ اخلاق غی پاسداری نانہ برقرار رکھنو ہے ان انتخابات غا ووٹاں غی گنتی 14 نومبر نانہ کی جے گی۔

SATISH SPORTS

کھیداں اگو زیر ستیش شرما جموں کشمیر مانہ کھیڈاں انہ فروغ دین تے نوجواناں غی شمولیت واسطے حکومت غا عزم ورزور دتو اُنہاں نے کھیڈاں غا نظام نانہ مضبوط کرن واسطے ٹہانچائی بہتری بہتر تربیتی سہولیات غی فراہمی تے ہر قصبہ مانہ معیاری کھیڈ سہولتاں نانہ یقینی بنان غی کوشش نانہ اُجاگر کیو وزیر موصوف نے چنکھن سو پور بارہمولہ غا کھیڈ میدان نانہ مزید بہتر بنان بارے نیں پتھر رکھتا واں ان گلاں گو اظہار کیو اُنہاں نے یوہ وی دسیو جے حکومت بہترین نمایاں کھیڈاں نانہ سرکاری ملازمت فراہم کرے گی کھیڈاں بارے وزیر ستیش شرما نے اس گل ور زور دتو جے کھیڈ نوجواناں غی توانائی نانہ مثبت سمت دیں تے معاشرتی ترقی نانہ فروغ دیں۔

69th NATIONAL SCHOOL GAMES

ویں قومی سکول کھیڈاں گا مقابلان مانہ 19 براں تین کھٹ عمر غا لڑکاں گا زمرہ مانہ ٹائیونٹو 69 مقابلہ کل جموں گا انڈور کھیڈ کمپلیکس بھگوتی نگر مانہ شروع ہوو کمشنر سیکرٹری یاشا مڈگل نے اس تقریب غو افتتاح کیو تے کھلاڑیاں غی تعریف کی جے وے للکارا نانہ کامیابیاں مانہ بدل رہیا ہیں تے کھیڈاں غا کردار نانہ اُجاگر کیو جہیڑو جسمانی تندرستی زہنی سکون تے ایجاد نانہ فروغ دے اس چیمپینشپ مانہ پورا بھارت تین 34 ٹیم حصولے رہی ہیں جموں کشمیر غی شروعات ایک کامیابی سنگ ہوئی جد ناصر ارسلان نے سیمی فائنل تک رسائی حاصل کرے تمغو یقینی بنایو دوجا میچاں مانہ بکھ بکھ ریاستاں تے تنظیمان غی ٹیمان نے دلچسپ مقابلہ جاتی جیت حاصل کیں جس سنگ اس مقابلہ غو جوش و خروش بدھ گیو۔

PATNITOP MARATHON

پنتی تاپ میراتھن غا پنجواں شمارہ غو انعقاد کل جموں کشمیر سیاحت غی طرفوں آئی کے اے کھیڈ و تقریب غا تعاون سنگ کیو گیو جس غو مقصد تندرستی تے برداشت غا جذبہ نانہ یقینی بنانو ہے اس تقریب غو آغاز محکمہ سیاحت جموں گا جائینٹ ڈائریکٹر اعجاز قیصر نے کیو میراتھون مانہ بکھ بکھ زمرہ شامل تھا جن مانہ الٹرا میراتھون 50 کول میٹر، ہاف میراتھون 21 کلو میٹر 10 کلو میٹر غی دوڑ تے 5 کلو میٹر دوڑ شامل تھیں دوڑ سویرے ساڈھ 6 بجے بکھ بکھ وقفل سنگ شروع ہوئی شرکا نے پورا خطہ تین حصولیو تے عزم برداشت و جوش و خروش غو مظاہرو کیو جہڑو جموں کشمیر غی ناقابل شکست روح غی عکاسی کرے۔

PASHMINA FEST 2025

انتظار کیو جان آلو ترے روزہ پشمنہ فیسٹ 2025 کل کٹرہ مانہ شروع ہوو جس غو مقصد جموں کشمیر غی قیمتی دستکاری گا ورثہ نانہ منانو تے فروغ دینو ہے صنعت و تجارت گا کمشنر سیکرٹری وکرم جیت سنگھ نے اس میلہ غو افتتاح کیو اس تقریب غو انعقاد جے کے ٹی پی او غی طرفوں کیو گیو تے یوہ جشن مرکزی کپڑہ وزارت غی سرپرستی مانہ منعقد ہوو اس موقعور جی آئی

سرٹفکیٹ پشمنہ مصنوعات جہڑی کٹھوعہ تے سرینگرتیں آنی گئیں تھیں نمائش واسطے پیش کی گئیں اس تقریب نے مقامی کاریگراں نانہ اپنی ہنر مندی دسن گو پلیٹ فارم فراہم کیو بی ٹو بی یعنی کہ بیوپار تیں بیوپار سطح ور40تیں زیادہ قومی خدیاری سنگ ریطاں نانہ فروغ دتو تے توقعو ہے جے یوہ پروگرام خطہ غاکپڑہ شعبہ نانہ فروغ دے غو۔ جدکہ کٹڑہ نانہ دستکاری تے ثقافتی سیاحت غو مرکز بنان مانہ مددگار ثابت وے گو۔

DODA VANDE MATRAM

بھارت غا قومی ترانہ وندے ماترم گا150سال مکمل ہون گا موقع ور ضلع پولیس ڈوڈہ نے ضلع پولیس لائن مانہ ایک پُر جوش گان غو پروگرام منعقد کیو اس پروگرام مانہ پولیس اہلکاراں تے طلباء نے بھرپور جوش و خروش غے سنگ حصولیو تانجے ملک گا اتحاد عقیدت تے صحت غو اظہار کیو جاسکے پولیس غا سنئیر سپر انٹنڈنٹ سنڈیپ کمار مہتا نے اقدام غی تعریف کرتا وا قومی گیت غی تاریخی اہمیت ناہ اُجاگر کیو جہڑو آزادی غی تحریک غے دوران نمایاں رہیو تھو اُنہاں نے شہریاں بلخصوص نوجواناں ور زور دتو جے وے حُب الوطنی نانہ برقرار رکھیں ملک غی تعمیر مانہ حصول لیں تے امن نظم و ضبط تے دیانت داری غی قدراں نانہ اپناویں تانجے بھارت غا عظیم ثقافتی تے قومی ورثہ نانہ مزید مضبوط کیو جاسکے۔

NEWS READ BY ABDUL REHMAN
NEWS EDITOR ABHILASHA SHARMA
SKILLED RAJAT
TECH ASST CHAKSHU
DEO NUSRAT